

四庫全書

集部

欽定四庫全書

集部

御製詩四集卷二十四

編修臣 初喬齡覆校

總校官編修臣 程嘉謨

欽定四庫全書

御製詩四集卷二十二

古今體一百三十九首

甲午六

題鄒一桂花月八幀

李花難辨漫輕猜香暗影疎有是哉恰合青邱契神句

果然林下美人來

一右梅月

濤聲收靜晚風閒古鏡圓華清漢間箇是軒轅初鑄出

祇宜朗照赤松顏

右松月

月牙柳葉兩爭蛾斜拂高標翠滴窠試以一言相等度
少為貴固勝其多

右柳月

何須細雨不闌風葉葉虛明節節通此是纖阿非洛浦
身傍自佩玉玲瓏

右竹月

小院低牆出枝處半輪幾朵入花時鬢脣匍葉晚粧稱
去聲不藉溫臺有鏡披

右梨月

不著荷花著荷葉伊人應讀梵經傳

荷花見日而放見月而放出梵經昔

人謂初日笑蓉意適相合雖然轉語還須識無礙其中全體蓮

右荷月

奚必居然月浸池舍人早是自成詩

是頓寫洪谷夔句意谷夔曾為中書

舍人畫家多寫舜俞句

谷夔字舜俞

句外傳神似此誰

右紫薇月

豈是吳剛修未到
宛看放出外生枝
依然不離去聲廣寒

境却契光光相映時

右桂月

詠古玉梳托子疊前韻

猶存托子梳何之
靡已聊將覓代為
一例承漿解渴際
遙懷閱世別羣時
因其失乃有斯得
即此合寧無重去聲
離試淪三清消夜漏
六如悟處泯諸思

題許嵩建康實錄

六朝三百有餘年建業興衰廿卷傳文物風流信有矣
經綸世教或無焉幸洪武始統歸一逮永樂斯都以遷
我每孝陵親奠醑不禁弔古為悽然

熱

暮春及首夏雨豈不屢次甞言祇三寸霑足實則未大
田雖已種麥苗方結穗優渥逮其根乃得飽滿致邇來
頻炎歊烈日騰如熾園林既清涼軒齋復深邃熱猶弗

可當窮檐那可避展輶思民艱怵惕厯農事蒸雲或作

霖翹首顙

天賜

西直門外

駕迈彤宮自御園禮緣皇子逮成婚

是日皇子成婚翊日應於宮內成禮

十餘日未出郊野夾路農功子細論

禾苗麥穗蔚菁葱得雨應教碩

謂穗

且凡

謂苗

待澤正當芒

種候甘膏猶靳望增忡

低地麥高高地低同雷雨露致難齊吾心祇祝均逢稔
優需尤顯渥一犁

題呂祖謙歷代制度詳說

中原文獻有家模講學還從張與朱酌古準今列條目
鎔經鑄史示師謨詎寧考据資談柄欲見施行洽化樞
昔未羶薌後知重吁嗟此弊那能無

養心殿晚坐

不雨時正熱銅龍赫日炳宮牆高數仞糊牘光益炯然

亦有權便朵殿坐深靚紗疏閉弗支炎氣難為梗翻書
研道精摘句消漏永因懷居易詩自然涼足領忽復問
軍郵笑我安能靜

御門日作

豈不公御日覲容御門舊制每屋之循名責實應於是

御門理事本以御乾清門得名若駐圓明園則御勤
政殿而部院諸臣自京中往者未免夙興五鼓矣

恤下體情亦在茲詎祇尋常依典故恒殷俊又贊猷為
莫予違益發言慎曰咎還思誰執其

長河泛舟至樂善園小憩

紫禁夏令暄
駕言迓御園
興至倚虹堂
輕舟候堂門
遂由長河進
沿墅宛河干
過而弗一入
太忙匪溫存
顧名思其義
樂善實嘉言
夫人所當勉
寧獨王侯然
而更切為君
善者仁之緣
仁為君之本
樂以天下為
實願書於紳
詎止額諸軒

題舍清齋

底識舍清處
山環水抱間
夏能深礪戶
風與闌林闌
闌花

色無非淨禽聲祇是閒誠知宜永坐得句便言還

鸞舉軒口號

一年偶一步階墀欲擬升堂輒愧之新筍成竿已舒葉
青鸞舉翼故如斯

蘊真堂

柳槐蔚蔭間樸素有數字既來則安之芸窗小憩取仰
首眺楣扁蘊真字宛睹蓋言納景佳我更有進語心者
萬事本無逸當為所所蘊苟非真是謂深城府

長河泛舟入昆明湖至廓如亭登陸沿途攬景雜

詠

樂善園中小憩遲曉涼仍便進舟宜岸楊初聽新蜩響
萬物由來不讓時

一牖高低兩水闌精藍萬壽枕河干

廣源牖在萬壽寺東限水之高低

朱衣僧自門前跪點到知伊著語難

僧以賜紫為榮其不得賜者率製朱

衣以自別於衆殊覺可笑點即不到亦口頭禪語也

長春橋北建營房火器營兵駐以常藝習居安兼惠下

多需帑帑定何妨於長春橋北度地建營房選火器營兵居之兼闢教場為演習之所既得

相聚肄武且得安其家室實為兩便雖多費亦所不靳也

繡漪橋進即昆明倒影樓臺縱復橫亭到廊如更遵陸

御園籌筆諭軍情

今晨阿桂等奏報軍營事宜已隨時批答迴御園後仍煩籌畫諭示

詣

黑龍潭祈雨四首

壬辰癸巳屢綏連未致來

祈幸兩年茲以竭誠乞

神佑治祠題句歷觀前

暮春首夏雖逢澤三寸微霑非渥優日引侵尋遂成旱
田功沿覽越增愁

低麥猶差高麥枯黍禾半種半仍需待膏孔亟漸無術
步禱寧辭叩顙呼

國民為本食民天

天作之君豈泛然調幕無能恒遇歟

靈祠對越祇慚旃

端午日詣暢春園恭問

皇太后安即事有作

遇節承

歡禮固然望霽宴賞例宜捐敢虧

夏清起居問慚沐

溫慈慰諭宣却憶斯寧雨三度

北直夏至前後望雨之
歲頗多端陽節以望雨

弗舉但詣前園問

安者不啻數度矣

尋思此可子孫傳因民事事非因已

一任龍舟繫岸邊

微雨

五月五日

昨日請雨歸晚雲夜無望今曉時晴晦驟點落午傍忽
霽忽復陰申酉間去聲霏放而剛濕地皮宛欠勢酣暢分

寸不能成吁哉陽特亢又聞農家諺午日雨非尚雨則
生細蟲田苗反無當我惟急燃眉優霈他且讓弗優
乃微零微咎休艱貶五言擬解嘲擲筆增惆悵

風

雲作風隨來雲散風隨止自外達未申蓋經數度矣風

如能擅權雲覺大讓彼挾雨三四點落同弗落耳明當

潔淩盛或有昭假理

連日望雨念切先盼雲生乃油然而興即為風吹散因命皇六子於

初七日禱於廟與連邀

靈佑耳

變置則何敢吾曾論孟子

每當雨澤偶愆惟

潔蠲祈禱為民請命或未能即時感應益惟盡敬盡誠以期昭格設竟遇旱乾水溢亦事所常有祇宜盡心賑濟庶得藉以補救豈可謾過於神明若孟子所云變置之說不見於禮經未免過當而弗衷於理向嘗有詩論之

及惟應竭衷誠祈佑自責已

遣悶

攜詞擬遣悶實覺悶艱遣昨近屢作雲率被終風卷今

朝雲既無風亦為之緩似此何日雨釋我愁纂纂况復

接軍書阻雨計難展自克羅博瓦

阿桂攻克羅博瓦卡已扼促浸門戶因於

喇穆喇穆通近駐營為進取計

門戶據初限對面突起峯更有賊碉繕

叶喇穆喇穆岡排柵守巖嵯其下曰則口格魯瓦角悍

叶是皆近賊巢

勒烏

抵死守根本

賊人以格魯瓦角乃彼中要隘恐為官軍

襲取根本一失則賊無所憑因聚眾拒守並問脫出賊番供稱莎羅奔兄弟及其頭人丹巴沃襟爾皆聚集於

此六路分進兵調撥王臣塞

阿桂以羅博瓦相對山梁賊寨難以仰攻而日則了

口實為險要因派兵六路海蘭察由羅博瓦下溝攻取對面突起碉卡如攻得即一面分兵搶占日則額森特

由海子斜上直取喇穆喇穆峯上第一大碉即分兵下
歷為海蘭察接應普爾普由莫斯滿了口進攻石城即
夾攻喇穆喇穆峯上第一大碉彰露進取小口第二第
三大碉保寧進攻山腿上第四大碉烏什哈達等由羅
博瓦下攻賊木城牽縱使其不能分顧福康安
海祿成德則皆為策應之兵調度頗中機要 然需數

日晴鼓勇鯨鯢剪而何逮一月雨多晴乃鮮

分撥既定只候運晴

數日即可尅日進攻乃四旬以來雨雪多而晴霽少官
兵不便令其衝泥復滑我滿洲勁旅急欲奮勇直前阻
於無可施展 日朗寧陽坡氣寒凍陰嗽刺手致尼步坐
人皆憤勵

視賊不遠

按圖而計阿桂軍營距勒烏圍賊巢不遠是此一路實有可進之機因命新調滇黔兵五

千馳赴阿桂軍營助其聲勢俾益迅速集事

三軍同敵懷蓄養徒憤懣以彼

移乎此

軍營久雨少晴京畿久晴少雨若令兩地陰晴相易則彼此各得其用惟願

如所願耳

易地則皆善望之弗能得鬱陶惟愧報

題兩漢博聞

遷創班承范繼哉纂言功足補秦灰博聞特舉兩書要

頗繆還兼百卷該

史記一百三十卷舉成數也

撰者或訛揚侃及魯

黃魯曾考鼂公武讀書志以兩漢博聞為楊侃撰其書採前後漢書中雋語為標目先載本文而備列諸家

注釋於下不加議論亦類書之體明嘉靖間長洲黃魯曾購得其本刻而傳之今版久佚原本因有黃魯曾序

該撫遂稱為黃魯曾撰誤也

注之却讓馬

司馬

和裴

駟

史記注以裴駟集解司馬

貞索隱為主而張守節正義尤詳今三注並行其餘若徐廣傅瓚諸家之說附見者不可僂數而前漢書注惟載顏師古後漢書注惟列韋懷太子賢其諸家注釋雖亦附錄不能如史記之三注並行也 因披遺

籍知來雨

周厚塤家藏書處名來雨樓是時昉澤甚殷見樓名亦為心動故落句及之

正值

望霖雨庶來

題武英殿聚珍版十韻

有序

校輯永樂大典內之散簡零編並蒐訪天下遺籍
不下萬餘種彙為四庫全書擇人所罕覩有裨世
道人心及足資考鏡者剞劂流傳嘉惠來學第種

類多則付雕非易董武英殿事金簡以活字法為
請既不濫費棗梨又不久淹歲月用力省而成功
速至簡且捷考昔沈括筆談記宋慶厯中有畢昇
為活版以膠泥燒成而陸深金臺紀聞則云毘陵
人初用鉛字視版印尤巧便斯皆活版之權輿顧
坻泥體麤銘鉛質軟俱不及鋟木之工緻茲刻單
字計二十五萬餘雖數百十種之書悉可取給而
校讐之精今更有勝於古所云者第活字版之名

不雅馴因以聚珍名之而系以詩

稽古搜四庫於今突五車開鑄思壽世積版或充閭張

帖唐院集周文梁代餘同為製活字用以印全書精越

鵬冠體

昨歲江南所進之書有鵬冠子即富過鄴架儲活字版第字體不工且多訛謬耳

機圓省雕氏功倍謝鈔胥聯腋事堪例埏泥法似疏毀

銅昔悔彼

康熙年間編纂古今圖書集成刻銅字為活版排印歲工貯之武英殿歷年既久銅字或

被竄缺少司事者懼干咎適值乾隆初年京師錢賁遂請毀銅字供鑄從之所得有限而所耗甚多已為非計

且使銅字尚存則今之印書刊木此慙予既復羨梨棗不更事半功倍乎深為惜之

還教慎魯魚成編示來學嘉惠志符初

夜雨

五月初九日

西山晚生雲又復風隨作厯申以及戌跂予徒望若無
已就寢齋隔窻聽蕭索是誠為雨哉起視勢旋弱強上聲
言潤寸餘曾何益枯涸披衾不能眠反側慙落莫

西直門外

北至臨齋此進宮東南雲歛曙曦紅曉涼遠處疑雷雨
慙愧斯仍屬落空

荒綠雖看禾乘田近山地即未耕全

前詣黑龍潭祈雨見近西山一帶

尚有未耕之地

昨宵雨欠一犁足延攬徒增意鬱煎

黃雲強半麥收俱場圃成堆磐尚需或謂此時宜曬粒
尋思斯語盡然乎

養心殿對雨

五月初十日

傍申西北又雲生倏晦遙聞雷鼓聲未甚鳴微鳴以雨
其來速去速而晴琉璃滑雷垂泉響平砥堅塹積水明

宮中琉璃瓦甃滑故簷溜易垂而甃塹堅厚尤易積水不足為優霽之徵也

分寸弗成定何

益不能為慰祇為忤

讀書

長夏幾餘何以遣
簟涼厦廣几書攤
無非稽古居今處
寧為去聲博聞強識觀
六卷尚書垂政要
一言魯論作君難
自嗤所異淵明者
不甚解心總不安

綠玉盤

槃敦真裁玉琅玕
非贈青瓜皮無鼃
采韭葉豈瓏玲弗
翼來西洱輸誠貢
大庭繹思君爽語
愧覺不遑寧

夏至日恭祭

方澤禮成述事

厚德庥恒沐微忱識不磨

祭朝茲復值望雨際常多

北郊大祀例赤步輦詣壇如遇盼雨之期則改

乘禮輜向年祭有因親祭默禱得

方澤時未得透雨者十居七八願

竭誠叩請冀

皇祇鑒此寅

霑霈希

表

遲

惠

優

膏

以

慰

渴

願

耳

垂佑燮調慙致和禮成餘敬企曷

惠俟滂沱

夏日池上居

池上夏朝例有詩望霖日引遂教遲啓行伊邇難重置

將以

是月十六日啓行恭奉
皇太后往避暑山莊

向作原多聊補為問景曾

非饒逸興題圖藉是遣煩思密雲午重幸風戢佇企優霑
令庶其

題錢維城四季山水花卉冊

南國艱逢春日晴曉曦影烘去聲漾舟行趣如留客張長

史却亦霑衣濕潤生

右晴湖曉泛

五出水姿頗似梅因風惜欠暗香來仍煩磐石依根壓
乃得芳花特盛開

右杏

柳煙那管禁煙時杏豎斜看颺酒旗不藉牧童遙指告
精神活脫紫薇詩

右花塢青帘

兩枝一例闌春暉或著霞衣或雪衣譜向鄰嫗尋姓氏

趙家燕瘦太真肥

右貼梗海棠 李

鱗塍翠剡刺春漪
荷鋪農人喜自知
歸去來思彭澤吏
恰當有事命車時

右東畝新綠

翩翩綠葉覆朱甍
一任東風左右吹
底事垂垂艱施上
細看未寫老松枝

右朱藤

紅桃綠柳一溪春，潋灩輕漪到岸脣。
獨上高樓凝睇者，依稀猶是避秦人。

右桃溪一曲

桃花紅嫩菜花藍，幅裏相形正好忝。
西子病顰兒婦效，醜妍何用更深談。

右碧桃 諸葛菜

中峯巖薜自居尊，淥水迴川曲抱原。
蘿磴千盤落虛籟，冷冷還似嘯蘇門。

右蘿磴盤雲

野草閒花各弄芳
但言其色不言香
却如一箇金盤裏
置得雙魚供客嘗

右魚兒牡丹 蒲公英

溪橋策杖自婆娑
問景因之過野河
底識山光近首夏
紅姿已讓綠情多

右山墅清妍

五色之中取兩色
春風拂榦各開齊
設如蜀帝相比擬

一則啼時一未啼

右紅白杜鵑

以上春景十二種

溪上人家灌木叢濃陰蔽日却延風卜居者定為誰氏
隱鹿門山龐德公

右灌木迴溪

一例塗林紅間

去聲

黃艷然暎日翕輝煌無香謾共海棠

諗有實有花是所長

右石榴

密林權當作扉橫屋下流泉入耳清欲笑孔圭未免俗
仍誇鼓吹是蛙聲

右林扉澗筑

輕受薰風近映闌清香名果副林蘭若方白玉為卮子
合有黃金與作盤

右卮子

紅霞縛以綠雲鋪倚榭人將作說乎我恰展圖思景概

無端飛興到西湖

右荷香曲榭

鴨脚葉青偏冒竹山丹花楮畧如萱世間疑似混真者
豈獨羣芳有贅言

右淡竹山丹

留客相將茗椀持竹深亦是納涼時三唐試一評甲乙
磬折應為老杜詩

右竹深茗話

水陸巧成薈萃芳或為雪袂或霞裳但教品契淨真處
底較紅香與白香

右荷 茉莉

前江捕得玉花鱸攜網歸來步棧途底事山居弗水宿
應緣厭聽鳥相呼

右茆屋歸漁

宵雅苔華早著名隨風飄颻自專榮笑伊縱有凌霄志
不附他柯總不成

右凌霄

雲幕四山卒不開須臾挾雨有風來許渾詩與米顛畫
小幅居然活脫胎

右四山欲雨

衣白人為衣紫僧色香都忘去聲所今能傳神應是醉於
史每寓龍門合傳曾

右晚香玉 紫茉莉

以上夏景十二種

雲看面對復眼底平處構成巖館閒試問伊誰卜居者
了知人合號衡山

右巖館停雲

花開五色逞鮮妍小草臨風態自翩設向譜中比蘭蕙
便教題鳳亦應然

右鳳仙

張帆落網捕魚腥宛轉南沽與北汀漫擬長江浮巨艦
利名心盛去無停

右漁汀帆影

夾竹桃開傍建蘭幽香嬌艷各分壇一般都是嶺南卉
底事人殊貴賤看

右建蘭 夾竹桃

仙山樓閣若飛翔尚有丹壚雲裡藏術授鍊形定誰氏
甄栖真遇許元陽

右翠嶂仙廬

一身雙翼態翩翩秋鼠姑爭春埭妍便是蔓枝善攀附

高飛小雀不教經

右藍雀 纏枝牡丹

虛亭袖手古先生坐愛宜人爽氣迎
已是歐陽成絕唱
重儻底更賦秋聲

右虛亭迎爽

折枝賦色任揮毫
品自犁然低與高
幽壑彌年終保節
剪羅那屑著紅袍

右金桂 剪秋羅

澗口楓林霜染曾飛流激石護層層落來葉是桃花色
疑有漁人認武陵

右楓林激澗

白麝紫霞相映扶黃花此日不為孤幅中未許他芳廁
秋卉堪應並者無

右菊

黃白紫
三種

波面秋風菱熟時小舟歌唱共寧斯傲他六月採蓮者
花實其間品有差

右野塘菱唱

卉中兩字占風流
木本春開草本秋
不是掛題杜工部
厭他柔裏更為柔

右秋海棠

以上秋景十二種

林葉冬來已漸稀
歸鴉繞樹匝三飛
黃昏猶是蔽身宿
却勝阿瞞無可依

右疎樹歸鴉

拒霜因可入初冬
娉娉芳姿照浦穠
迴顧水華似相傲
耐寒還屬木芙蓉

右芙蓉

洞口飛泉一道斜
是誰汎汎小舟拏
藤蘿石上依然在
祇欠洲前蘆荻花

右石泉蘿洞

女史觀星兆自嘉
淨香競體足風華
故應俯視黃金盞
祇號人間醒酒花

右水仙 金盞

山意惟餘枯樹攢雲容欲雪澗收湍溪軒坐者宜青目
但是高人定耐寒

右寒林水閣

不妨葉面擎微雪雅稱

去聲

花心射曉暉獨恨品題遺陸

羽仍慙色相號楊妃

右山榭

梵界經樓疊巘間蒼松翠柏鎖孱顏雲容欲雪千巖冷

無事高僧靜掩關

右松巖蕭寺

蠟以黏英珊結子有花有實冒冬榮惟應羅漢松高見

不屑別傳三友名

畫家多有以此三種為三友別開生面者幅內無羅漢松故戲及之

右蠟梅 天竺

小艇沿溪興致高南枝春信屢相遭還應傲得襄陽孟
何必探尋踏雪勞

右小艇探梅

赭英粉萼共爭新，不獨迎春且探春。
大矣乾元善寶始，物猶如此況乎人。

右迎春 探春

一瀑高懸銀鑿落，四山攢積玉參差。
并刀剪水作花後，轉語堪詮杜老詩。

右羣峯積玉

朶開月月映階脣，帶雪披風更可人。
須識此花深易理，四時一氣貫長春。

右長春

以上冬景十二種

驟雨

五月十四日

族雲傍晚聚初夜驟霖披滴溜喧羣響收晴祇半時斯
施欠優沛昨

禱又虛期究我誠未格所云慙不知

恭奉

皇太后啓程駐避暑山莊二律

已過

北郊祭應為避暑行

慈輿循近頓清蹕啓前程既

愜豫遊志還申溫清情年年

諭頻奉歲歲例無更

東門仍據鞍

出長春園東門御馬而行

送駕列千官豈不林林立欲

求采采難曉風輕拂爽綠野遠開寬一例急需雨鞭鞭

弗忍看

過清河橋作

曾不清河十里遙
御園迴望緩鳴鑣
沙途幾轉煙村近
夾鏡因之過石橋

御路邊傍接甫田
因看農况慢催鞭
去年光景分明在
不為欣然祇惘然

麥堆場圃禾生壠
艾麥夏田更待耕
弗聽慰言晴亦好
或有以農家五月
宜晴曬麥之說相
慰者此在春夏雨
多之年則然今歲
入夏以來雖有雨
而未得優霑大田
尚有未種者又
豈常諺可例大都
輕重要權衡

過橋十里尖營在

尖營之語不見經史今以停蹕處為尖營遂成通稱

停蹕而行

遂易車雖是節勞語從衆却思無逸志慙予

石槽行宮晚坐

蓮漏延清晝槐風送晚涼剛因籌筆罷

是日阿桂富勒渾等奏報籌辦

軍營事宜傳諭指示之

復以揆戡忙一室孰令昔三幡泯幻常北

山雲密佈庶雨望傍徨

曉行

徹夜雲聚散時復零雨絲屢問不安眠未明起披衣曉

行實趨涼過早衆或疲仍候旦明發依然雲霞霏一律

七十里

白石槽至密雲縣七十餘里

曾未及寸滋麥收亦已定牽算

七成垂禾乘待澤亟弱苗將欲萎憑輿攬轡間嬾言餘
齋谷

過白河

底藉方舟此卧波淺川策馬竟馮河却懷辛卯艱橫渡
時勢不同理不磨

河干擇地煥神祠屏息辦香敬謁之水旱禦災均賴佑

密雲其雨願優施

密雲行宮對雨

五月十七日

侵曉灑雨絲時落時復止已牌至行宮過午仍如此未
末申之初乃覺勢密矣滴樹響聲繁潤土香味起方幸
雨真成傍晚雲散綺嗟乎其難益增慚悚耳

夜雨

短夜行齋眠不成忽聞淅瀝有微聲是誠雨耳願綿耳
那覺慰生饒懼生甲乙更籌同細數密疎霏勢獨詳評

曉庭剗土滋三寸滿志何曾得暢情

過九松山

遠瞻高聳近微低何代名稱已莫稽
驛路曲盤過右嶂野川畧見漲前溪
山容即漸親直北雨勢較量遜迤西
因憶京師更西在昨宵膏澤可霑齊

遙亭行宮作

早行亦早駐諸事覺安詳夏至晝猶永
雨過風帶涼幾絲散雲氣萬疊濯山光
何以餘閒遣拈吟味道長

出古北口

潮河水弱翕循川異漲衝城縞昔年一自讓流乃無事

長城舊跨潮河上庚寅夏河水暴漲牆當其衝隨流而
圯隨發帑修復舊觀次年秋河復漲牆復圯因思城本
佔河何如讓地于水且本朝中外一家又豈在此水上
緣垣為藩蔽因命將臨河城塼葺完以脩規制而跨河
之城即不復築即云防北詎斯然清時避暑常來往到
遂得相安無事

處勅幾勵惕乾遺蹟勝朝多敗壘蓋餘百歲息烽煙

口外

昨日至遙亭雨已較南好今日出古北反覺遙亭小禾

泰總菁葱晃日露華皎攬轡能無慰既慰愁還擾京師

接報雨分寸斯益少

十七日駐密雲得雨三寸許猶嫌其未透昨留京辦事王大臣奏是

日京城之雨尚不及寸則更遜于案雲矣顧此而忘彼豈曰為君道

策馬

策馬閱農况關外勝關內有北無不耕高下蔚芄葑颺
風惟時薰浥露餘沆漑問知四五月陣雨頗霑逮北勢
大於南所以猶堪待叶然總未深渥益為望滂沛晚來
山吐雲塞宇鋪黦隤顒希施霽霖近遠遍優溉

常山峪行宮作

去歲行宮此納涼

去歲於此有晚
坐納涼之作

今來涼却逼衣裳都

緣前日過山雨遂致峭風解夏陽路近因之到常早齋
虛覺以靜無忙支窻西北巖雲蔚其庶雨乎引領望

夜雨八韻

五月二十日

族雲生傍晚雲雨落清宵雲雲電蛇閃鉤鉤雷鼓驕蓄
深方一放望亟轉無聊豎灑橫排暢且徐繼疾迨久看
立苔砌歸寢入松寮衾意含微颯簷聲尚暴澆已知蘇

渴涸餘事解煬歌京輔曾霑否南瞻縑念遙

葦峪

葦峪迤北閱田功缺澤去年同一望却因昨夜得霽雨

迴蘇綠意看無恙客歲黑城始遇霖

喀喇河屯即漢語黑城在葦峪北去

歲駐行宮時夜雨

早祇一宿那殊狀

茲於常山峪即遇雨較去歲早一日

復思今

夏啓鑒晚以是較則反遲宕

昨歲以五月初八日啓鑒今年則于五月十六日較

遲八日而以距夏至後日期計之反為早五日也

設更衡之夏至節日雖為晚

時早償較長論短總緣農惟殷虔祝屢綏貺

至喀喇河屯行宮作

襟帶灤江向野寬
黑城今復駐鳴鑾
昔年建置無心考
此日農桑著意觀
嶺樹因遙望
惟綠川波雖弱勢猶漫
納涼嘉蔭仍炎熾
便翼蒸雲作雨霰

熱

今朝炎熱昨宵涼
塞外寒暄曷有常
候未三庚先報暑
秋臨二麥正宜暘
較晴量雨惟農切
探節數時有句償
應接雖然畧無暇
靜觀或亦養心方

灤陽別墅

雨短灤江淺牽舟畧可行一年纔一至惟靜復惟清粉
蝶隨風起山禽傍晚鳴西峯雲密佈希澤念重縈

虬蓋亭

黃繖無須此處張松陰亭子稱乘涼翼然漫擬歐陽語
上有青鸞儼欲翔

京報

京報稱霑雨量云三寸多誠真未慰我設飾更虞他又

復成虛望無能致變和時時向南顧惟是歎如何

至避暑山莊作

廣仁

名嶺

去歲雨憑輿策馬平明此過諸利穡霑膏還憶

彼

去歲關內春夏雨甚佳關外四五月間畧缺澤五月十四至山莊日始優霑今歲則關外之澤乃勝關內

也

習勞示衆每厪予青山綠水真佳處與室敞軒各灑
如所愧昔年臨此者依然午夜問軍書

永佑寺瞻禮

禮固從來由義行到斯瞻仰敬摠誠優然見矣欽

神御久以化之慙

顧成水鏡雲紳昔

聖蹟田耕井鑿此民情承庠蒙業惟勤疊遑敢云云望
郅平

漢史顧成之名師古已斥服虔之非即應劭所云制
度卑狹若顧望而成於義亦無所取卑宮室則可卑
宗廟則不可也獨如淳謂若尚書之顧命為近之蓋
顧命者顧子孫而命之顧成者顧子孫之守成耳然

身存而為廟漢諸帝遂以為家法斯實不經因用此
字並申其說如右

寫心精舍

此而懷

昔此居今心寫那更

平聲

曰寫心逝水光陰無喻速

如天承顯祇生欽庭曦仍是

恩暉照林籟寧非

解愠音少小惟知侍

色笑何期鬢髮亦霜侵

題文園獅子林十六景

有序

向愛倪瓚獅子林圖南巡時攜卷再至其地摹跡
題詩昨於長春園東北隙地規倣為之即仍獅林
之名初得景八續得景亦如之皆系以句然其亭
臺峯沼但能同吳中之獅子林而不能盡同迂翁
之獅子林圖茲於避暑山莊清舒山館之前度地
復規倣之其景一如御園之名則又同御園之獅

子林而非吳中之獅子林且塞苑山水天然因其
勢以位置並有非御園所能同者若一經數典則
仍不外雲林數尺卷中所謂言同不可何況云異
知此則二亦非多一亦非少不必更存分別見嬾
道人畫禪三昧或當如是耳既落成名之曰文園
仍隨景紀以詩或有以同不同為叩者惟舉倪迂
畫卷示之

獅子林

倪氏獅林存茂苑傳真小築御湖濱既成一矣因成二
了是合兮不是分愛此原看鷗侶勝他還有鹿遊羣
水稱武列山雄塞宜著溪園濟以文

虹橋

一再做涉園虹橋駕波起若論武夷曲在此不在彼

假山

塞外富真山何來斯有假物必有對待斯亦寧可捨竊
窕致徑曲刻峭成峯雅俛乎抑黃乎妙處都與寫若顧

西嶺言似茲秀者寡

納景堂

面臨清淺背孱顏
廓落虛堂靜且閒
景納四時無盡藏
我來每愛夏秋間

清閼閣

吳工堆塑圖名畫了非殊
有一寧無二倣燕仍憶蘇
究安能闕彼欣雅足清吾欲
問雲林子可知塞外乎

藤架

藤架石橋上中

去聲

矩隨曲折兩岸植其根延蔓相連綴

施松彼豎上緣木斯橫列豎窮與橫遍頗具梵經說漫
嫌過花時花意豈終絕

磴道

砌石礎磳躋攀羊腸縈達雲闕莫笑小許勝大峭徭頗
傲塞山

占峯亭

塞山雄渾其固然峯嶺恒將亘數里倪家結撰本江南

小景一伏旋一起是惟假山乃得之疊石倣為遂有此
側峯上覆一笠亭玉冠棲霞頗可擬

棲霞山有玉冠峯類此

亭占

峯乎峯占亭炙轂之辯將窮矣

清淑齋

春光艷覺秋光颯林有陰還砌有蕤若論園亭清淑景
吾云當屬夏為宜

小香幢

獅林實梵宗善吼度羣品香幢作清供迂翁佞佛甚綴

金定四庫全書 卷二十二
景效其為匪圖福田稔人情以為田吾方事懃恁

探真書屋

書屋據橫嶺迴然清絕塵俛子既非主黃氏原為賓借
問研精者誰誠得其真

延景樓

萬石叢間覓進步壺中小樓欣始遇因塞得通景不允
理境文津胥可悟可悟其妙未可言天倪道筦契性存林枝
扶辟態間硤瀑水落澗聲潺湲潺湲入池清且泚佳麗

四圍一鏡裏忽聞隔嶂鹿呦呦欲傲金閭未有此

畫舫

武陵何必捨溪頭煙嶼雲涯漾以周不是舫中收古畫
却因舫在畫中遊

雲林石室

石為雲復石為林十笏石室雲林心四家為首昔由昔
千秋一瞬今非今忽然棐几鋪藤紙又似田盤點筆吟

田盤靜寄山莊
亦有雲林石室

橫碧軒

碧鮮橫一帶近遠乃相殊近水波清澈遠山林翠鋪坐
來叅合相望去訝分圖却憶囑因語王蒙有是乎

倪瓚自題

其畫卷云與趙君善長商推作獅子林圖真得荆關遺意非王蒙所夢見如海因公宜寶之云云茲用其意

水門

石牆洞跨溪清門扇不置五明

崔豹古今注稱舜廣開視聽作五明扇後世因

揚雄方言扇與篴並稱遂以五明為扇數典余以華蓋之事必非舜所創蓋扇本門非禮記所謂修闔扇是也

即承廣開視聽而言則作五明之畫舫隨出隨入鏡月疑

半疑盈卽此探奇問景亦堪悅
目怡情忽爾中心忸怩
似忘無逸篇名

熱河文園獅子林成因再倣倪瓚獅子林圖貯清
閼閣中並疊御園倣獅子林圖韻

石疊竒峯水引渠文園題景各分書
依稀茂苑境移彼一再獅子林圖倣予
真似望洋歎河伯祇同嗜古事鈔胥
嬾迂雅愛叅佛偈如是欲詢可是如

驛致蘇州所弄倣倪瓚獅子林圖再題以句

豈不獅林宛在茲

御園所做已成有詩

偶懷南卷驛觀之漫言是

一已非一應識離斯乃即斯境裏俛黃胥幻若

圖舊為俛頃作

今為黃氏涉園

圖中燕塞又紛其

既於御園做吳中獅子林題以十六景復於塞苑做其景

為文園亦係以詩茲驛取南卷欲證筆境若何仍書其後而還之

題成仍付北風去親

愛民情遠繫思

御製詩四集卷二十二

欽定四庫全書

御製詩四集卷二十三

古今體一百三十首

甲午七

雨

五月廿二日

稅駕猶晴熱，酷暘蒸雲過。
午亟凝望遠，施晚雨，
絳八刻。真到山莊第一，
祥掣電興雷，紛雲雪，
極妍盡態，勢洋洋。土墀積水不計寸，
渥矣，仍懷京報償。

題曲洧舊聞四首

留金弗紀金間事曲消依然紀舊聞二帝播遷雖自取
禍緣新法變更紛

建隆端拱政堪徵紹聖宣和百事興設使子孫守祖制
何愁萬世不繼承

汴都掌故頗傳真說部非同耳食倫何事臨安安半壁冰
天雪窖忘聲君親

清濁渭涇本自殊操戈同室若為乎因翻汝瑯獨藏本
略恨爾時程與蘇

溥仁寺瞻禮

興州最古寺每到禮應親策馬河橋度垂鞭農務詢即

看優澤霈實勝小霑頻

熱河一帶近每霑三四寸之陣雨然不似此者十分透足也

屏息法雲地溥仁真溥仁

河灘

河灘地可耕或農或為園矮者韭與菰高者禾及黍一

雨總迴蘇菁蔥滿志觀亦有麥堆場顆粒非甚飽

叶地

寒種已遲半收青黃補盈虛理有恒艱致綏豐普或云

時宜晴礮麵入倉庾所望實奢哉我亦略同汝

石城

高下石城將廿里

山莊石城周圍計十七里半

曾無七十里延長文

王臺沼猶民力鳩築山莊發帑償

力役之征古所不廢惟本朝則無其事凡河工城郭

郊廟宮殿偶有修飾工作皆動正帑雇夫匠至於園亭

並不用正帑率以內府餘帑給價或貪官汙吏罰其

出貲助值山莊石城即康熙年間令噶里脩築者即

事紀實亦

家法萬年所宜守也

山水

驟雨必致發山水挾石衝沙當者毀山莊豁壑視為常
雨過剷除無事矣溝澮其涸可立待孟子之言深物理
聲聞過情君子恥虛譽頌聖寧止彼偶然對亦瞿然耳
題冷謙竹溪琴友圖

叢篁深處兩仙翁
佳羨精神黃綺風
橫膝焦桐不須撫

琅玕清響正相同

題枕櫛木盂

竹節類行鞭木根剖曲卷盛盂辭粵土置几緬

堯年尚質内含藻蘊文外謝妍葛燈如此似撫已祇慙
然

聞京師得雨誌慰

喜近於驕慰近欽欽哉切切永銘心此而渥霽幸逢昨

彼亦霑霖報到今

廿二日熱河得雨深透今留京辦事
王大臣及順天府奏至京城亦於是

日自未至酉密雨霽透晚田
得以及時翻種為之欣慰
謝雨祠官

方澤啓

禮部以二十日雨已三寸餘尚在
七日之內何應報祭因遣裕親王恭代行禮
方澤望

秋農父大田臨百憂都以消

嘉貺一意惟應盼捷音

前此以盼雨盼捷兩事交繫於
懷今甘霽優渥已愜所願惟專

望阿桂
捷音耳

遊獅子園有作

布達拉西獅子峯

普陀宗乘之廟在獅子園東是日瞻
禮路便一遊番語布達拉華言切音

謂普陀譯之
則靈鷲也

舊園遊憩一從容青山萬古標靈鷲碧水

當年起

躍龍聞禮聞詩

思昔緬曰乾曰惕已今恭那辭雙鬢星星點祇看鱗蒼
階下松

樂山書院

書院依然在樂山題挾振

放勲親賜額尼父昔詮仁雨後峯姿濯風前林態鉞偶
憑堪體驗欲去且逡巡

草房

瓦房依舊草房名
楣栢樸淳筆研清
新構御園斯數典

今熙春園抱樸草堂之旁
亦構草房蓋取法於此

承

先示儉總闕情

妙高堂

妙高所以妙高處更誰同
萬景無遁象太虛有不空

不空

之空出
梵典

身將心共適
機與物皆融
奮迅蹲獅子如聞善

吼雄

松柏室

東溝書室更清奇
棧道溪橋歷訪之
栢翠松青鎮如是
翹瞻

霄漢引清悲

護雲莊

夏山能出雲雲出山還護
莊在萬山中護雲此其故
容
容幻高低霽霽紛布漫膏澤
既已霑繼霽豈辭屢分明
點筆處迴望失歸路

題宜照齋

迴馬遵崎嶇便逵入石城巖齋恒此憇芸座怡怡情隔
歲如昨日宜暘值放晴那能待夕照得句便教行

却炎榭口號

避暑莊中榭却炎片時徙倚爽而恬雖然轉語應宜念
美善由來忌並兼

屬霄樓

山樓雖不高而名曰屬霄其故可得言以據山嶢嶢星

斗俯堪數

上聲

雲霞近相招。椽題稱數

去聲

尺得志弗為豪。

寸木置岑樓。孟語仍解嘲。

就松室有會

松無就室理。室有就松道。老幹那可移。新宇原易造。及至室對松。相得益彰好。我聞賢比松。賢實君之寶。賢豈自來就君善。求為要

叶

所以白駒篇。風人示懷抱。

夜雨

五月廿四日

傍晚四山雲復生。入夕蕭蕭雨隨作。是誠霖矣恰其時。

浸潤悠揚非搏躍不雷不電亟饜飫或疾或徐真灑落
了知優澤渥田疇無慮衝波壞谿壑簷聲斷續眠醒聽
徹夜清懷自斟酌弗憂少亦弗憂多豈不農人同此樂
然餘遠念繼軍營彼處宜暘定何若

晴六韻

夜雨既已渥朝晴良復宜雲收天宇淨風落曉涼披
路濕非濇筍輿行以遲何妨十步憇真覺六情怡畫意
隨方攬詩詞著處攜山田牆外見蔚綠晃而滋

題說文篆韻譜

徐鍇說文兄鉉序依然朱氏曝書藏

卷前有朱彞尊印記蓋曾為曝書亭

所制文遵古見誠卓作隸趨今辨以詳許慎特嘉研六

篆賈魴何事變三倉成編割裂異大典

此書以韻相次音訓簡明便於

檢閱實為小學津梁非若永樂大典之依韻採輯將各書割裂散見者比

因字區分述舊章

惟是微傳資訓詁信堪小學示津梁即看繡谷勤收弄

繡谷乃吳玉屏家藏書處意在尊聞實所臧

詠痕都斯坦白玉杯六韻

瑩比截肪薄疑鏤翼質輕且美五銖機若仙成制
巧而精十合規由神運磨水既泯茲圭角貯冰自
徹彼中邊徠遠足珍詠懷非寶

稷翼出奇質良工心運靈作杯成照世映斗見明星

禮舍

文嘉曰玉石得宜則太白常明

耳葉翻而拱身花勻且停磨龍岩泯楞角

攢簇鎖瓏玲在手疑無物定睛知有形自應生穆漚那

可酌湘醺

題唐棣山水即用其韻

高樓對坐正談深亦弗勤劬說惜陰却愛開窓聊縱目
一庭翠影落遥岑

出麗正門恭迎

皇太后至避暑山莊喜而成什

歲歲蘭衢迓

鳳鑾十朝翹企一朝寬

高年養

志奉遊豫衷懷顯

躬祝適安近駐緩行斯蒞止明山秀水總承

歡諄諄

慈諭期恒例

每承為例

慈諭以年年如是為例欽奉之外實無可言也

祇有欽遵無

別端

詠和闐玉如意

白玉和闐富產良春秋包匭壯天閭豈無竊食生魚似

頗有遺珍盈尺長錯石器成仍或貢譏闕網漏正何妨

和闐產玉回人採充歲貢其碎小者聽與商民市易稍
大之璞則例禁本嚴其地雖有卡倫稽查不能禁其遠

漏也前因臣工所進白玉如意每有盈尺以上者知係
新玉大材致自西域然商賈牟利遠致原以贖內地玉
工而既琢成器仍以上貢則固可無庸深究耳不為圭璧為如意薄古慙今好
去吉祥聲

稱松

稱松種庭前不覺隨年長縱無拏空枝自具凌雲想山
中有喬柯少計以十丈阿誰為我植宜此付他賞況我
託懷別良材要作養

砌石

砌石作巖磴近齋便屨步崇山峻嶺間那盡開平路
圖易每好新畏難率失故人情因可驗天理胡不悟
誰能祛有為與爾言太素

河南巡撫何燭奏報得雨詩以誌事

豫疆本以麥為秋麥熟宜暘晴弗憂

何燭奏五月初旬民間刈麥正需晒

昨並不望雨直至麥地佈種晚秋既畢漸有盼霖之意

磨磨已完夏收定黍禾原

藉霈思流霑三五寸亦稱渥逮十數州可謂優

又據奏五月十

六七日於洛陽鞏縣間連遇霖雨入土三寸祥符等縣稟報亦同而河南所屬則報是日得雨三四五寸不等

實為及時甘霖云云山左助雨尤切
齊豫連疆未識曹得同沾渥霽否耳
未識齊郊同被否

一因為慰一因愁

雨六韻

五月廿六日

既雨雨實易四山雲屢生聚斯霏陣霏散亦放時晴明
晦渾無定密疎特有情柳隄絲帶重荷沼葉珠擎立候

溟濛過行披颯沓迎齊東似茲否

前聞山東缺雨較幾
輔乞甚因屢詢撫臣

徐續戒其勿事諱飾近日連據奏報通省得
雨情形分寸均不及此處霑足仍切屢念耳
還望為心

索

山行

山行意無約率與適為期
慙必尋嘉蔭入常遵曲達
新晴日弗烈過雨氣猶滋
水漲鷗呼侶坡平鹿引麕
觸觀皆合畫理緒亦成詩
萬物長養候吾惟體對時

觀荷有作

來從御園時池荷方吐蕊
既至到山莊荷花滿塞水
北乃早於南殊難窮此理
或亟迎人看則不可知耳
然此數日間彼亦全開矣
是則南北同其同氣候使

余年十一二時

八月至塞上鹿已鳴每值雨雪衣裘又二十年幸未蘭
則鹿哨較遲雪亦不常有又二十年駐山莊哨鹿須待
九月此蓋氣候自南而北暖以漸遲或
人煙日盛所致向作氣候詩嘗及之
葉嶼花臺間香

遠益清美因憶瀟溪言何處無君子

直隸總督周元理奏報得雨詩以誌慰

廿四日霖此渥霑畿南霑否念遙占忽披遠驛封章遞

知幸同朝霽霑僉

周元理奏省城於五月廿四日自辰至未得雨四寸又自酉至亥復得雨

五寸極為深透近省州縣同日均霑且油雲遍布雨勢驟密所被必廣各屬可普望霑足為之欣慰潤涸

蘇枯

天澤厚翻耕補種地工兼心誠慰矣仍誠懼易曰害盈而福謙

題永恬居

太古此山中永恬居一所居則實永恬

奎章額簷招緬企

揮毫時

雲日空翹覩是意安能恬悽然立延佇

素尚齋

齋更居之巔迴廊攀以上愈高斯愈豁聳目欣蕭朗鳴
禽語殷勤友鹿來三兩山花雨後開山蝶大於掌物具
天然趣夫誰勞意想素固匪因緣尚亦豈勉強今日適
清閒棧蹊向西往

創得齋六韻

肩輿入山逕喜靜不言長曲約泉鳴隱深林風度涼便
因排石戶聊與憇松堂碧宇流雲活青楓過雨香今來
實初得昔去合相忘却笑餘結習閒中摘句忙

枕碧樓口號

山樓風喜北窓涼一碧林瀛萬頃茫我自宵衣孜孜者
那能高枕夢羲皇

過東嶺至梅檀林

創得齋已居山腰東嶺非遥望中在趁輿肩輿便可登
事半固知功有倍鯉脊卓立陰陽分陽暄那似陰涼壇
過嶺清風滿襟袖林近梅檀所以乃調御應真儼同堂
無去來今此誰待

天籟書屋

書軒據迴巘萬景座前披蘇軾詩中畫王維畫裏詩收
來豈卷冊賞處合希夷早識非衆數何須問子綦

澹軒口號

一泓天半即天池人力天工兩借之

山腰雖有微泉得雨則水益壯不然

亦借軒水添之

今日憑臨經雨後澹然恰喜鏡光披

松雲樓

雲與松為友松將雲作衣高樓恰相值據座似來依響

愛披風颯潤疑作雨激我非弘景逸祇仰

五絃揮

超然字

地據衆峯巔空宇懸一心會倪堯萬象泯蹄筌祇
有虛為合却無塵可捐青雲表遊目得句亦超然

水月菴

盤磴下崇椒岬嶸更幾曲就平得小菴弗莊嚴尚樸白
衣坐大士如月水中浴言一猶不可何況以二目解者

曰千江真成狗尾續

山心精舍

水月菴傍精舍山心自我名之彼水固為假彼斯山豈
是真斯昨去今來偶爾花香鳥語不移足識安心竟矣
會麼慧可大師

含粹齋

愈下愈就平書齋得於此對戶亦有山繞階亦有水斯
誠兩美兼可弗片時止楫頷

昔年留純粹而精矣安得息萬緣居此窮易理

玉琴軒

引水愛其清取名喜以譬無須蔡桐斲却謝陶絃置泠泠
幾曲間朗朗五音備因思復古戴句淺言具深義聆聲
既清越睇色復純粹操縵素未學不可無斯致

寧靜齋

魯論幼曾讀弗忘山水樂芸齋山水間清泠帶舊峭不
息性寧深恒峙體靜奧適合武侯言原從吾所好設更

譬致遠捷望金川報

千尺雪

夏令非冬節異來滕六乎落崖珠點噴赴壑玉花鋪揣

色清無比侔聲靜以輸田盤暮春對

盤山千尺雪較此各有所長今歲三

月初駐微嘗一再題諫

於此定何殊

陣雨

五月廿八日

邇來每作雨雨實弗致多濯枝復潤葉旋即放晴和今
晚山雲重陣雨落霽霏前墀立積水接上銀竹羅固知

涸可待却慮漲潮河夏漲亦其常虞滯軍報過進勦正
斯时捷音日延眺

晴

陣雨誠繼潤晚晴良復好雲捲東南淨天露西北晶夕
陽在高樹葉底明皎皎巖風頓增涼率欲易衣襖塞景
幻寒暄不齊齊之道籌農略云慰高下澤霑飽雖然敢
即安西成時尚早

題鄒一桂花朶冊

或纔半放或全開瓣瓣英英點翠苔漫訝扶疎失枝葉
藉乎枝葉豈真梅

右梅

紅英幾片貼波光綠藻相依色兩當畫裏分明有詩意
果然水面具文章

右桃

丁丁幾朵結星星紫白寧須別色形壓鬢翠為鬣葉稱聲
故枝弗戀放新馨

右紫丁香

素華漫憶昔叢分
筆底鉛閒遞細芬
會得色香真淨處
不闕鼻觀不聞聞

右木香

縛木無勞作架棚
施松亦復笑牽縈
紫英落落無拘束
送得春光九十盈

右藤花

晦晚何須屢致猜
試看紉佩孰宜哉
不為長葉為散朵

畫擬詩人有別裁

右蘭

似雀形容是也非翩翩那憶舊根依却疑決起靚花圍
藍染通身礙翅飛

右藍雀

軟紅淡白鬪芳姿花譜無端新出奇真是插來成鳳鈿

那須寄去較蛛絲

李邕詩好與擅郎寄花
朵莫教清曉羨蛛絲

右鳳仙花

淮南豈必小山叢自寓小山妙鮮同

一桂號小山

疑是三天

竺寺裏中含桂子落秋風

右桂

詠土爾扈特汗渥巴錫所進匙叉匕首

又刺物以食非取魚

具及筭

屬也

畏吾都護換迴京

按元世祖至元十七年置畏吾都護畏吾即今衛拉特又名厄魯特土爾

扈特乃四衛拉特之一都護之官今雖不設然新疆惟伊犁烏魯木齊巴里坤等處置有將軍提督等官管轄軍民其新歸順之土爾扈特及各回部率遣大臣侍衛等輪班鎮撫之雖曰欽差即都護之遺意也渥巴

去錫汗親送行

渥巴錫遊牧在哈爾沙爾阿思哈以三等侍衛護視之茲阿思哈受代來京渥

巴錫親送其行並以懸義比首各一具裝函懇其代為請安恭進物雖微嘉彼誠也 籲以請安忱

悃達先之微物兩三呈有揀堪佐漆几用無垢都教皮

匣盛豈是大官偏少此成詩緣識遠人誠

六月朔日紀事

昨晚霖霑曉霽今爽風落宇曙光震良時敬以掇

慈輦朔旦因之

禮拓提

即招提也
見增輝記

大德躬應五福備

高年塔復九層躋

永佑寺內舍利塔高九層
后每至必登其巔今年

皇太
聖壽八

旬有三躋

陟如常寶萬年
福壽之徵益深頻慶

一層祇祝增十歲

聖壽當同宰堵齊

題哨鹿玉韞

哨鹿年來久棄之玉工舊稿效前為挽弓馬上能無爾
持銃林中郎有斯顧示衆人仍訪武迴看昔日祇羸詩
至慙力矣中去聲惟巧喻語子輿猶可思

陳祿松齋講學圖

芸編束閣草堂深
木几茶甌相酌斟
借問蕭然對談者
可當忘却濟時心

詠木根筆筒

無用成有用誰云此
朽資泥沙剔以淨
毫管植斯宜為
學悟根抵遣文祛
蔓枝裘鍾漫相擬
一筆遜臨池

山東巡撫徐績奏報得雨詩以誌慰

所慮山東被澤無
平明閱奏慰生吾
深霑五寸涸壤透

望愜三農枯稼蘇

徐績奏五月廿三日省城甘露大沛入上五寸四野溫霑不特秋苗勃發

即麥植地亦得及時耕種山東省共一百一十二州縣所統計近日得雨者已有一百四處惟八州縣未據報

到通省惟餘八州縣及時相較小差殊

京城及保定省城均於廿四日

得雨深透畿輔同日溫霑山東於廿三已沐膏澤較京師差早一日更欣收麥地滋潤翻

種晚田忙穡夫

河東河道總督姚立德奏報漕河得雨情形詩以

誌慰

漕運惟資河水送旱乾水淺奈其何微湖已恐泉源弱

一雨那如天澤多

姚立德奏前因天氣久晴河水稍減全放微山湖口新舊兩閘挑它出水引

渠並知會江南河臣截水濟運兼酌用水車房引湖水灌注以期無誤漕務茲五月廿二日濟寧一帶得雨六

寸餘汶河亦已長水七寸微湖亦長水寸餘乘此水勢加增正宜如期催價覽奏為之欣慰三進船

行喜陸續

二進糧船已於廿一日全入山東境今河水增長三進船可衝尾速進亦姚立德所奏也

千斯倉到不蹉跎民田官庾權輕重下計奚須濟衛河

先是何燭以衛河水弱不能濟運議請按例於四月初旬起將高平閘堵開洩汶河以濟衛至五月望後仍令暨版以溉田其續籌百泉丹河啓閉之法亦同昨因豫省雨勢不甚充足念民田望澤必殷若因濟運開閘恐減下之水於衛河不能有益轉致田水無可仰資實為非計因傳諭開閘俾得暢為挹注以濟民田

題曹秀先所輯山莊正雅集即以為序

憶年十二始來斯

聖祖恩深最受

知豈意旨堂肩仔已恒勤養

志色難思惟茲夕惕朝乾勵却匪風吟月弄為哀輯事
成慙正雅邨更表語頌浮規

文徵明深樹茅堂即用其韻

密一曲還溪一灣葺茅堂正構其間幽人自是出塵想

邨處移文有北山

題唐閼史

知不足齋奚不足

鮑士恭家藏書處名知不足齋

渴於書籍是賢乎長

編大部都皮閣小說危言亦入廚閣史兩篇傳撫拾

足書

分上下兩卷

晚唐遺蹟見規模彥休自號參寥子參得寥天

一也無

題紫檀三友屏風

近多雕刻山水景為屏者此獨以金銀錯寫圖殊

覺樸雅故題以句

金銀錯始商家鼎
合寫屏風三友圖
設問於何得粉本
赤松早已示形模

右松

右招恰喜有筠簟
節節虛心个个涼
徙倚却教生別會
循名真弗愧清防

右竹

濮家詔已戒雕文
錯寫金銀意出羣
伯仲竹風松月下

只疑撲鼻送幽芬

右梅

紅葉

萬樹菁蔥蔚綠雲其中紅葉見一兩九夏何來九秋景
塞山變幻非意想人固有之物豈無所以速成戒闕黨

山西巡撫巴延三奏報得雨

畿輔晉郊接犬牙望霖彼此略爭差

晉省與直隸接壤直隸四月下旬五

月初旬頗有亢陽之意而晉省則據巴延三奏四月十九二十廿二及五月初五六八等日得雨數次雖未透

足然不如直直隸省城及各屬均於優膏逢報先一日五月廿四日始得淫雨

晉省則廿三日已報優霑連絲雨晝多穀收堪祝滿車

夜遠近深透較直隸又早一日也

運斗春秋說題辭十五日

乘田都渥祗翻犁麥隴重去

耕植欣知北省均霑澤慰以為慙敬益加

西峪

山莊到十日西峪始來尋峯態昨非昨溪聲今自今行

惟期意適憩必選林陰富矣供詩料摘詞仍酌斟

碧峯寺

翠滴堯峯螺黛紋招提門對與平分無僧日日聞貝帙
祇有鐘聲報曉聞

寺不設僧惟闍吏司
灑掃每晨鳴鐘而已

味甘書屋

向汲山泉飲而甘書屋味甘名以此竹鑪茗椀設妥帖
試而烹斯偶一耳偶一之故室三間露臺十家產愧矣
雖然乃更有進焉味甘敢忘味苦彼

叢碧樓

高枝低葉總一碧萬頃都呈目前在山閣設若擬樓船

是謂泛乎大青海何來幾點紅於中恰似星沈李句乃

李商隱句星沈

碧海當窓見

有真意軒

過雨山蹊濕弗塵又非作瀟窈堪循到來忽已成隔歲
會得居然值此辰雲縱晦明寧是幻軒無刻畫祇惟淳
欲知真意應何託時不忍忘曰愛民

空翠書樓

重閣八窓空四鄰疊嶽通落來翠無盡望去景難窮豈

是吟從事而將寄義公底因艱著句心與境俱融

對畫亭

巖上圓窓納景開
夏山如滴眇崔嵬
今朝訝合許渾句
風滿樓知雨欲來

題秀起堂

西峪最深且最高
騁懷因迴得於韜
故知蓄極發必勝
亦戒欣斯傲以豪
一字平臨白窠沆
千林俯捲碧波濤
古來手筆多難數
惜彼拈吟未此遭

振藻樓口號

憑攬書樓又一時
遠峯近壑總呈奇
祇應默坐休輕詠
以靜存之意會之

經畬書屋

書軒擇向建到亦坐移時
無暇峯圖攬有閒芸簡披
鹵耕彼當戒絜矩我應知
貧士經畬者酬豐責在誰

靜舍太古山房

鬱紆下崇阪山房藏寔與
幽峽落風寒密林蔽日曜
六

情於焉靜一塵所弗到不因小年来安識太古妙欲擬
斯久坐還恐誤政要

不遮山樓

勝處起樓非背山開窓終日對孱顏不遮於此猶容易
欲卷人情實則艱

雨六韻

六月初
四日

閒常論夏令五雨不為多倏見雲峯簇便聞雷鼓羅立
時飛急霽存地疊微波遊鹿罷遵蹻濕禽嬾出窠既霑

那計寸旋霽信稱和點滴餘樾蔭莫從林下過

新月

細於眉已濶於鈎隱隱寒光碧字流屈指還當三五日
塞湖載月作清遊

閱隄

間閭日以滋未免多占地山水況無定漲來卒難致
是宜先預防庶可保無事一勞永逸艱惟補偏救弊去
年槩已示今歲工方備乘間榮馬看亦曰堅牢致斯之

未能信益勵安民思

閱稼

十日未出行禾黍如助長
耰苗鄙宋人

天恩真浩蕩高下綠
芄雲改觀頓殊曩
帶露潤滾滾承曦明
是是時復霏嘉霽
既雨旋晴朗似此月
餘間西成堪冀穰
雖然豈敢必敬以平
心想

午熱

夏以暑為德熱亦何可無
三日不作雨炎熇頓爾殊
念

惟長養候日暄實宜夫况茲避暑莊朝夕颯爽鋪雖熱
涼可乘無為愁鬱枯蒸雲羃遠山將雨其然乎

驟雨

六月
初六日

肩輿聊趁樹陰行一片雲生挾飛雨弗雷弗電落空絲
豎灑橫排暗天宇喜得溪亭數武間坐以避霖小延佇
僕人所惜惟衣帽而我所欣在禾黍須臾捲去不留餘
林下風來涼爾許

河東河道總督姚立德奏報運河水長重運通行

詩以誌慰

農田官漕兩蒙念一雨欣增尺水深

今歲春夏雨少漕黃以後河水淺澀

而山東所蓄湖水亦不能灌注及遠漕船輒運稍艱正以爲念茲姚立德奏山東河南沿河各州縣均於五月

廿二三四等日得雨四五六寸至深遠不等廿八至三十日濟寧霽雨滂沱日以繼夜汶河長水二尺餘泗河

反彭口大泛口各山河俱長水一尺以上

借潤豈

須爲過糴

姚立德又言開河衛河至淺處亦有水六七尺無事起利并不須借潤鄰疆前以豫省

田功極須灌溉曾諭何增於沿河丹河諸水皆留以灌田不必決以濟運今漕渠水足更無藉豫河之挹注矣

剝沈蕪更免浮斟運丁穡父胥生慶旰食宵衣倍勵欽

不有先憂那有慰慰因憂有益慙心

題書苑菁華

好惡為君宜慎哉蒐書種種挈羸來不能無彼

謂好惡因

有此用識心存欲政推運筆諸家備傳法臚篇廿卷允

稱才

是書為宋陳思撰凡二十卷採摭秦漢以逮唐人運筆結字之法兼及法帖古刻而以諸家詩文論

及書法者附之臨池邨盡帝王事獨愛公權一語該

王蒙山水

飛閣臨流翼若飛遙源雲外辨依稀高人可望不可即

神契寡天靜者機

題痕都斯坦玉荷葉洗

色如截肪薄如紙西崑玉人巧無比那知士禮設東榮
萬里流沙亦有此器同其製略弗同荷葉為形柄曲委
讀阿里卜

四書名讀其書者必始於此

通漢書寓義依然是承水

初伏

六月八日

一日復一日北至臨三庚上伏值斯辰午熱信有微熱
即蒸為雨所幸雨而晴山莊稱避暑過雨涼與生對時

思育物未秋視西成那采六色芝虛傳八葉冀遙遙金
川師佇望馳紅旌

錢選蜀葵狸奴圖

紫萼紅葩相間開薰風沆瀣視莓苔雪奴昂首垂涎望
可有滕王峽蝶來

詠官窑三登壺

中去聲矩還微橢形標中稔呈志希可能遂手舉不期輕

再化曾子擬

用莊子事

六飛王判紫

陳基送王府判詩思承
閏國紫三金心切樂都

聖六 飛 籌遺九年食敢懈寸心誠

聞京師奏報得雨

此間時雨亦時晴未識迤南用繼情閣本三朝必一至

雨稱一律洽三庚

初八日閣章至留京辦事王大臣奏初四傍晚得雷雨一陣初五自卯至

辰勢更滂沛旋即開霽時屆初伏天氣較炎隔數日即得霽雨田禾既饒渥潤而雨後快晴長發倍為蔚茂

秋前預卜堪遙定麥後翻耕總怨生曰若斯言漫輒出

福謙

天道所虧盈

塞湖泛月

山莊五月到過望季夏今宵值上弦未滿光攸鋪欲滿
將圓輪似勝於圓却看雲霧都歸嶺耐可空明一放船
疑彼素娥如有謂莫孤時節好因緣

猶有浮雲來往行似於素魄妬還生因而一晌悟至理
合是諸凡忌太明塞宇空時懸鏡半溪風爽裏送舟輕
何須小部梨園奏恰喜林中聽鹿鳴

恭奉

聖母命題松鶴齋敬成長句

齋名松鶴

起居奉嘉蔭清音美景全
步處可辭繳與盖聽來都勝
管和絃夏炎叶

清食履泰秋冷宜

溫宴息便容爾胎仙赤松子同承

慈豫萬斯年

雨

六月初
九日

一夜雲聚散凌晨霖雨濛勢長疎密間
去聲鋪廣近遙同
炎却昨來暑興生林下風晚晴尤恰當斜日遠山紅

登四面雲山亭子

亭子尚未登時炎幾暇少茲逢雨後興弗薄緣山道肩
輿數息至萬葉夕陽皎天衣一縷無虛言造雲表玉鏡
已掛空却匪遲去聲之早心凝形亦釋於何覓懷抱去歲
與今朝一例漏聲杳

晚晴落照

東嶺攀登暫覺暄，
迎陟降頓除煩。
橫巒高自鯉脊度，
西日明同鴉背翻。
爛爛林光風搖去聲，
霽徐徐峯影霽消。
昏流陰不佳，
原常住。昨歲依然此景存。

載月八首

月宇

未滿冰匡碧宇懸，
下春有意讓流妍。
不須遲去聲待鉗峯

上每於過望月遲上時登
霞標臺以待鉗峯月吐

便可乘涼早泛船

月峯

底識望前真妙趣羣峯都入照無遺
小遊仙處觀壺嶠
玉筍森森碧海基

月樹

不辨松蒼與柏翠俄池一例互交撐
廣寒世界忽疑窄
放出桂枝輪外生

月荷

夕陽紅綠一湖明
入夕花藏祇葉晶

荷花見日而放見月而合出梵典試

之果然

却是清香收不住
因風馥郁送舟輕

月廐

弗遠避還弗伏藏下來日夕似牛羊馴坡

馬廐坡為山莊後三十六景

之命侶殊牝牡

鹿惟八九月其牝隨牡行餘月則牝牡各為羣而不相雜

希革新省

澤月光

月螢

腐草中生無翼飛舫邊熠燿故相依蛸蟲弗識蒙莊語

月下為光邨論微

月湖

金波萬疊細鱗鋪
審睇中還有夜珠
太古已來此野水
豈知今作影娥湖

月隄

岸楊遙看行行近
上下綠波相映浮
遊興由來戒一往

傍隄青雀

舫名

恰宜收

題含青齋

今朝風日甚清道
北谷乘閒試一遊
欲闢巖關已滿志
及憑芸牖更宜眸
峯姿聳濯黛螺滴
葉態低鋪碧海浮

輸與虛齋生白者真佳斯亦弗相謀

松霞室

循廊上有室對戶外多松歲以千年計時宜九夏逢態
疑霞與蔚神是露為濃漫誚青奪赤童原箇老容

挹秀書屋

書屋芸編次第開山光相映秀相陪從來六藝多芳潤

取裁

去聲

由人自挹哉

玉岑精舍

仄徑更向西谿壑益夔幽一步一換形幻景呈轉眸
峴沓落巖風九夏疑三秋窈深既因窮精舍見舉頭玉岑
對面張天機滿志投弗藉錦繡開全露精神道歷年詩
在壁一一覽以周興會殊今昔語句祛雕鏤惟是託性
情詎寧暢豫遊

貯雲簷

邇來晴雨稱時若不計流雲與貯雲偶步山齋喜名副
寫簷常自蔚氤氲

湧玉亭

跨溪為小亭溪流却匪常四山過雨後亦頗俯滄浪否
則石澗乾名存實乃亡今來晴三日漏卮成無當仰觀
湧玉額祇疑韞匱藏

碧靜堂

築堂倚巢業開牖眇傑池太古碧無盡日長靜此時鴈
林言則合栗里住斯宜距躍彼應樂達聰我異為

淨練溪樓

石磧如溪落峭崿跨而為室作樓觀何當無事箇中坐
淨曳練光雨裏看

再題和闐玉雲龍小盃

白為玉骨赤為皮雲宛翁濛龍宛飛不是眼看匠人琢
誰能血浸辨希微

夜雨

六月十四日

快晴經五日餘雨到三更不作雷霆勢雅宜霖霖并連
塍明想潤隔戶暗聞聲愜意稱時若甄心勵捧盈

晴

傍晚雲容散逮辰日色晶雨收猶潤重風度覺涼輕荷
瀉珠光閃榭翻玉影明籌農心略慰祇剩繾綣軍情

詠定窰娃娃枕

荷葉荷花緊貼身呼蝶頭角疑精神夢羲皇者將誰待
開眼看他熟寐人

夜遊山月歌

遊湖必以船黃頭盪漿實逸耳遊山則以馬紫駟控轡

微勞矣人情喜逸而惡勞我意乃覺殊乎彼逸斯忘善
勞斯思文伯母言具至理銀蟾光照無私偏豈揀擇乎
湖與山湖之潏沆止一水山之摧姜多崇巒崇巒掩映
互吞吐隨步換形人各為覩急不可捉緩已失景特異
其平挹金波慢搖櫓過望夕月升遲往例登臺以待茲
待茲而升益親切遂與共載玉鞍窮幽竒出山湖岸艤
蘭舸下馬依然泛瀛坐北人馬及南人船一夕兩兼無
不可

御製詩四集卷二十三